



ԿՈՌՈՒՊՏԻԱՅԻ ԿԱՆԽԱՐԳԵԼՄԱՆ ՀԱՆՁՆԱԺՈՂՈՎ
CORRUPTION PREVENTION COMMISSION

ԿՈՌՈՒՊՏԻԱՅԻ ԿԱՆԽԱՐԳԵԼՄԱՆ ՀԱՆՁՆԱԺՈՂՈՎ
ՈՐՈՇՈՒՄ

01 հոկտեմբերի 2021թ.

N 02-L

ԿՈՌՈՒՊՏԻԱՅԻ ԿԱՆԽԱՐԳԵԼՄԱՆ ՀԱՆՁՆԱԺՈՂՈՎԻ 2020 ԹՎԱԿԱՆԻ
ՍԵՊՏԵՄԲԵՐԻ 12-Ի N 03-L ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և 34-րդ հոդվածներով՝ Կոռուպցիայի կանխարգելման հանձնաժողովը (այսուհետ՝ Հանձնաժողով)

ո Ր Ո Շ Ո Ւ Մ Է.

1. Կոռուպցիայի կանխարգելման հանձնաժողովի 2020 թվականի նոյեմբերի 12-ի «Կոռուպցիայի կանխարգելման հանձնաժողովի գործունեության առանձին ոլորտներում աշխատանքների կատարման գործընթացի համակարգումը կոռուպցիայի կանխարգելման հանձնաժողովի անդամներին վերապահելու մասին» N 03-L որոշումը (այսուհետ՝ Որոշում) շարադրել նոր խմբագրությամբ՝ հետևյալ բովանդակությամբ.

«1. Հանձնաժողովի՝ կրթական, հանրային իրազեկվածության ծրագրերի և մոնիթորինգի վարչության աշխատանքների կատարման գործընթացի համակարգումը վերապահել Հանձնաժողովի նախագահ Հայկուհի Հարությունյանին.

2. Հանձնաժողովի՝ հայտարարագրերի վերլուծության վարչության, այդ թվում՝ կուսակցությունների ֆինանսական գործունեության վերահսկողության աշխատանքների կատարման գործընթացի համակարգումը վերապահել Հանձնաժողովի անդամ Արամայիս Փաշինյանին.

3. Հանձնաժողովի՝ վարույթների և իրավական ապահովման, ինչպես նաև մասնագիտական ստորաբաժանումների կողմից իրականացվող առանձին գործառույթների իրականացման ընթացքում Հանձնաժողովի գնահատմամբ իրավական աջակցության անհրաժեշտություն ունեցող աշխատանքների կատարման գործընթացի համակարգումը **վերապահել Հանձնաժողովի անդամ Նարեկ Համբարձումյանին**.

4. Հանձնաժողովի՝ հանրային ծառայողների վարքագծի վերահսկողության, ինչպես նաև մեթոդական աջակցության վարչությունների աշխատանքների կատարման գործընթացի համակարգումը **վերապահել Հանձնաժողովի անդամ Լիլիթ Ալեքսանյանին**.

5. Հանձնաժողովի՝ բարեվարքության վերաբերյալ ուսումնասիրությունների իրականացման վարչության աշխատանքների կատարման գործընթացի համակարգումը **վերապահել Հանձնաժողովի անդամ Մարիամ Գալստյանին**.

6. Հանձնաժողովի գործունեության առանձին ոլորտների աշխատանքների կատարման ընթացքի և արդյունքների վերաբերյալ հաշվետվությունները ներկայացվում են Հանձնաժողովի կողմից սահմանած ժամկետներում և ձևաչափով:


7. Հանձնաժողովի նախագահն ապահովում է Հանձնաժողովի ամբողջ գործունեության և աշխատանքների անխափան իրականացումը:»:

2. Հաստատել Հանձնաժողովի անդամների համակարգման ոլորտների աշխատանքների պլանավորման և հաշվետվողականության ապահովման ձևաչափը՝ համաձայն Հավելվածի:

3. Սույն որոշումն ուժի մեջ է մտնում հրապարկմանը հաջորդող օրվանից:

ՀԱՆՁՆԱԺՈՂՈՎԻ ՆԱԽԱԳԱՀ՝ 


Հ. ՀԱՐՈՒԹՅՈՒՆՅԱՆ

ՀԱՆՁՆԱԺՈՂՈՎԻ ԱՆԴԱՄՆԵՐ՝ 

Լ. ԱԼԵՔՍԱՆՅԱՆ



Ա. ՓԱՇԻՆՅԱՆ



Ն. ՀԱՄԲԱՐՁՈՒՄՅԱՆ

Մ. ԳԱԼՍՏՅԱՆ